



Republika e Kosovës
Republika Kosova
Republic of Kosovo



Komuna e Kaçanikut
Opština Kaçanik
Municipal Kaçanik

01Nr.60/01-2256/21
Kaçanik: 29.01.2021

Në bazë të nenit 12.2 (d) lidhur me nenin 40.2 (d) të ligjit për Vetëqeverisje Lokale (Gazeta Zyrtare Nr. 28/04 Qershor 2008), të nenit 34.5 të Statutit të Komunës, si dhe nenit 55 të Rregullores për Punë të Kuvendit, në çështjen e shqyrtimit të Draft Planit të Komitetit Konsultativ për Persona me Aftësi të Kufizuara për vitin 2021, Kuvendi i Komunës Kaçanik në mbledhjen e vet të mbajtur më datë 29 Janar 2021, mori këtë:

VENDIM
PËR APROVIMIN E PLANIT TË PUNËS SË KOMITETIT KONSULTATIV
PËR PERSONA ME AFTËSI TË KUFIZUARA PËR VITIN 2021

1. Me këtë Vendim, Aprovohet Plani i Punës së Komitetit Konsultativ për Persona me Aftësi të Kufizuara për vitin 2021, i propozuar nga ky Komitet Konsultativ.
2. Në Planin e Punës së Komitetit Konsultativ për Persona me Aftësi të Kufizuara (KKPAK) janë paraqitur objektivat që parashihen t'i realizoj ky komitet në mbledhje të rregullta dhe aktivitete të tjera, treguesit, mjetet e verifikimit, institucionet zbatuese dhe afatet kohore të realizimit.
3. Pjesë përbërëse e këtij Vendimi është: Plani i Punës së Komitetit Konsultativ për Persona me Aftësi të Kufizuara për vitin 2021 i përmbledhur në gjithsej 8 faqe/ Lënda: 01Nr.60/01-2256/21.
4. Për realizimin e Planit të Punës së Komitetit Konsultativ për Persona me Aftësi të Kufizuara, do të kujdeset KKPAK dhe organet tjera relevante të komunës.

Me këtë Vendim njoftohen: Kryetari i Komunës, Komiteti Konsultativ për Persona me Aftësi të Kufizuara dhe Arkivi.

Kryesuesi i Kuvendit
Kemal Merseli





REPUBLIKA E KOSOVËS
REPUBLIKA KOSOVA
KOMUNA E KAÇANIKUT
OPŠTINA KAÇANIK



Republika e Kosovës
Republika Kosova
Republic of Kosovo

I	Data	22. 01. 2021	Vendi	KAÇANIK
Nj. org.		Numri		Shtojcë
	01	60/01-2256	- /	

Komuna e Kaçanikut
Opština Kaçanik
Municipal Kaçanik

**Plani i Punës së Komitetit Konsultativ
për Personat me Aftësi të Kufizuara në Kaçanik,
për vitin 2021**

Janar, 2021

Përmbajtja

1. Hyrje.....	3
2. Mbledhjet.....	4
3. Tryeza.....	4
4. Monitorimi i zbatimit të Planit të Veprimit për Personat me Aftësi të Kufizuara.....	4
5. Përgatitja e një Draft Strategjie/Plani të Veprimit për Personat me Aftësi të Kufizuara 2022-2025.....	5
6. Vizitat.....	5
7. Aktivitetet Sensibilizuese.....	5
8. Edukimi.....	6
9. Trajnimet.....	6
10. Shtojca: Aktivitetet në formë tabelave.....	7-8

1. Hyrje

Komitetet Konsultative janë një mënyrë më e avancuara e mundësisë për pjesëmarrje të qytetarëve në procesin e vendimmarrjes brenda institucioneve publike. Gjithashtu nëpërmjet tyre sigurohet edhe një mundësi për bartjen e zërit të qytetareve përkatësisht komuniteteve të caktuara tek organet vendimmarrëse nëpërmjet komiteteve të tilla këshillëdhënëse.

Si i tillë është themeluar edhe Komiteti Konsultativ Për Personat me Aftësi të Kufizuara në Kaçanik, me datë 13.09.2019. Ky komitet ka për qëllim adresimin e çështjes së aftësisë së kufizuar në radhë të parë tek institucionet komunale vendimmarrëse siç janë ekzekutivi (Kryetari i Komunës) dhe legjislativi(Kuvendi Komunal). Ndërsa, si funksione kryesore të komitetit konsultativ janë: dhënia e propozimeve të rregulloreve të ndryshme; hulumtime të ndryshme; mendime dhe ide rreth iniciativave të ndërmarra nga Kryetari i Komunës; komitetet e përhershme apo Kuvendi i Komunës në fushën përkatëse; paraqitja e pikëpamjeve dhe mendimeve të qytetarëve persona me aftësi të kufizuara tek Kryetari i Komunës dhe Kuvendi i Komunës; propozime për zgjidhjen e problemeve të identifikuara.

Në funksion të arritjes së këtyre objektivave dhe qëllimeve hartohet ky plan i punës njëvjeçarë të Komitetit Konsultativ për Personat me Aftësi të Kufizuara në Kaçanik.

2. Mbledhjet

Si njëra nga metodat e punës do të jenë edhe mbledhjet e komitetit ku do të diskutohen aktivitetet dhe çështjet e ndryshme të punës së komitetit si dhe çështje të tjera të paraqitura eventuale në drejtim të komitetit ose edhe veprimet ose vendimet e ndërmarra nga autoritet komunale që kanë impakt në jetën e komunitetit për personat me aftësi të kufizuara. Pra, do të trajtohen çështjet e personave me aftësi të kufizuara të komunës së Kaçanikut.

Bazuar në “Udhëzimin Administrativ (MAPL) Nr.01/2016 Për Procedurën e Themelimit, Organizmit dhe Kompetencat e Komiteteve Konsultative në Komuna” është e normuar numri i mbledhjeve të këtyre komiteteve në atë “ Mbledhjet mbahen varësisht nga nevoja, por së paku duhet të mbahen gjashtë(6) takime në vit”.

Si afate tentative të përcaktuara mund të jenë: Java e fundit e muajit shkurt ; java e fundit e muajit prill; java e fundit e muajit qershor; java e fundit e muajit shtator; java e fundit e muajit nëntor; java e parë e muajit dhjetor.

3. Tryeza

Si formë tjetër nga aktivitetet e komitetit do të jenë edhe organizimi i tryezave në formate të ndryshme në të cilat do të tentohen të identifikohen problemet, si dhe sfidat e çështjes së aftësisë së kufizuara. Por, gjithashtu përmes këtyre diskutimeve synohet të arrihet edhe sensibilizimi i tematikave të personave me aftësi të kufizuara, dhënia e ideve dhe adresimi i këtyre ideve tek autoritetet vendimmarrëse. Target grupet e synuara në këto tryeza janë të kushtëzuara varësisht temës së diskutimit megjithatë si target grupe do të jenë: personat me aftësi të kufizuara, institucionet komunale, institucionet qendrore, organizatat e shoqërisë civile, kompanitë dhe bizneset private.

Koha e mbajtjes tentohet të jetë muaji maj dhe dhjetor, pra qëllimi është organizimi i së paku dy tryezave.

4. Monitorimi i zbatimit të Planit të Veprimit për Personat me Aftësi të Kufizuara në Kaçanik.

Si dokument referues mbi problemet, sfidat por edhe alternativat e zgjidhjes së tyre është dokumenti: Plani i Veprimit për Personat me Aftësi të Kufizuara në Kaçanik i miratuar nga Kuvendi Komunal në Kaçanik në tetor të vitit 2018. Në funksion të realizimit të këtij plani përkatësisht objektivave të tij, Komiteti Konsultativ do të bënë monitorimin e zbatimit të këtij plani.

Ky aktivitet realizohet përmes takimeve të drejtpërdrejta me bartësit e zbatimit të secilës objektiv të planit të veprimit, por edhe përmes vrojtimit të drejtpërdrejt të gjendjes faktike që ka të bëjë me jetën e personave me aftësi të kufizuara.

5. Përgatitja e një Draft Strategjie/Plani të Veprimit për Personat me Aftësi të Kufizuara 2022-2025.

Dokumente të tilla do na shërbejnë edhe si plan dhe udhërrëfyes se si dhe në cilat segmente do të duhej të i qasemi çështjes së aftësisë së kufizuar si institucione komunale brenda periudhës tre vjeçare. Ky dokument do të hartohet së bashku në konsultim me komunitetin e PAK-ve, organizatat që përfaqësojnë PAK-të, OJQ-të tjera, institucionet komunale etj. Për këtë do të organizohen punëtori të veçanta. Si i tillë do të i 'u dërgohet kuvendit komunal për miratim në muajin nëntor-dhjetor 2021.

6. Vizitat

Komiteti Konsultativ për gjatë aktivitetëve të saj mëton të realizon një sërë vizitash përgjatë vitit 2021.

Vizitat nëpër institucionet komunale, me qëllim identifikimin por edhe sensibilizimin e aftësisë së kufizuar tek autoritete komunale dhe të tjerëve.

- a) Vizitat nëpër organizata joqeveritare me fokus tek organizatat që merren me çështjen e aftësisë së kufizuar. Qëllimi i këtyre takimeve është identifikimi i problemeve dhe mënyrat e avokimit të këtyre tek autoritetet vendimmarrëse. Krijimi i një aleance ndërmjet komitetit dhe OJQ-ve.
- b) Vizitat nëpër institucionet qendrat ditore për personat me aftësi të kufizuar. Qëllimi i këtyre vizitave është studimi i punës dhe aktivitetëve që zhvillohen në këto qendra.
- c) Vizitat nëpër shkollat speciale në Kaçanik. Qëllimi është njohja me nxënësit por edhe me gjendjen në të cilën ata marrin mësimin.
- d) Vizita nëpër Komitetet Konsultative në Komunat tjera të Kosovës, ku qëllimi i këtyre do të ishte marrja dhe dhënia e përvojave të punës së komitetit si dhe evidenca e problemeve të personave me aftësi të kufizuar si dhe synimi i një avokimi më të përgjithshëm drejt realizimit të të drejtave të personave me aftësi të kufizuar.

7. Aktivitete sensibilizuese

Në kuadër të aktivitetëve si shenjë sociale do të jenë edhe shënimi i datës së 3 dhjetorit si dita ndërkombëtare e personave me aftësi të kufizuar. Gjithashtu, edhe përmes Javës së Rinisë e cila tradicionalisht në Kaçanik mbahet në muajin shtator KKPAAK do të bënë aktivitete që kanë për qëllim sensibilizimin e masës, konkretisht të rinjve me aftësi të kufizuar.

8. Edukimi

Si njëra nga objektivat kryesore të këtij komiteti do të jetë jo vetëm adresimi dhe avokimi i çështjes së aftësisë së kufizuara në institucionet komunale por edhe adresimi i kësaj fushe edhe tek komunitet tjera të shoqërisë në mënyrë që pjesa e paragjytimeve dhe stereotip-eve të jetë në minimumet e veta. Në funksion të kësaj komiteti do të organizon ligjërata edukuese me nxënësit e shkollave të mesme dhe atyre fillore me tema të ndryshme që kanë të bëjnë me thirrjen për barazi të të gjitha kategorive të njerëzve brenda shoqërisë.

Ndërsa, si formë tjetër do të jetë edhe edukimi shëndetësor i personave me aftësi të kufizuara por edhe të familjareve të tyre në raport me nevojat e personave me aftësi të kufizuara.

9. Trajnimet

Në funksion të përmirësimeve të kapaciteteve të këtij komiteti do të tentohet që anëtarët e këtij komiteti të aftësohen në trajnime të ndryshme të ofruara në tregun e trajnimeve në Kosovë. Mirëpo, kjo është e kushtëzuar edhe nga çmimet dhe mundësit buxhetore të KKPAC-së përkatësisht institucioneve komunale për të i ndjekur këto trajnime që kanë të bëjnë me njohjen më të mirë të çështjes së aftësisë së kufizuara por edhe marrjen e njohurive mbi adresimin sa më profesional të tyre.

Shtojca; Aktivitetet në formë tabelare;

Aktiviteti	Treguesit	Mjetet e verifikimit	Institucioni zbatues	Afati Kohor	Verejtje
1. Mbledhjet	1. Çështjet e trajtuara 2. Numri i mbledhjeve	Lista e nënshkrimeve, procesverbalet	Komiteti Konsultativ për Personat me Aftësi të Kufizuara (tutje KKPAK)	Shkurt, Prill, Qershor Shtator, Nëntor, Dhjetor	Mund të mbahen edhe mbledhje të jashtëzakonshme...
2. Tryeza	1. Numri i tryezave të mbajtura	Lista e nënshkrimeve, foto, raportet	KKPAK	Maj dhe Dhjetor	
3. Monitorimi i zbatimit të Planit të Veprimit për Personat me Aftësi të Kufizuara në Kaçanik.	1. Numri objektivave të monitoruara; 2. Numri i objektivave të arritura	Raporti i Monitorimit në fundvit.	KKPAK	Janar deri Dhjetor	
3. Përgatitja e një Draft Strategjie/Plani të Veprimit për Personat me Aftësi të Kufizuara 2022-2025.	1. Numri punëtorive; 2. Numri i takimeve	Drafti Final	KKPAK	Janar deri Dhjetor	
4. Vizitat	1. Vizita tek KKPAK-të homologe 2. Vizita tek OJQ-të për PAK-të 3. Vizita tek institucionet komunale	Raportet, fotografit etj.	KKPAK	Janar-dhjetor	Përpos këtyre institucioneve të përmendura, KKPAK do të ketë edhe takime tjera me mekanizma, institucione e persona relevant në funksion të çështjes së aftësisë së kufizuara.

	4. Vizita tek kompanit private					
5 Aktivitete sensibilizuese	1. Shenimi i datës 3 dhjetor si data ndërkombëtare për PAK-të, 2. Aktivitet sensibilizues në kuadër të Javës së Rinisë në Kaçanik	Raportet, lista e pjesëmarrjes, fotografimet etj	KKPAK	Shtator dhe Dhjetor		
6. Edukimi	1. Ligjerata me nxënësit e shkollave të mesme 2. Ligjerata për edukim shendetësor për PAK-të dhe familjarët e tyre	Raportet, lista e nënshkrimeve, fotografi	KKPAK	Maj dhe Qershor		
Promovimi i çështjes së aftësisë së kufizuar	1. Hapja e një faqe në rrjetet sociale 2. Prezenca e KKPAK në mediat dhe rrjetet tjera sociale	Fotografimet, postimet etj	KKPAK	Janar-Dhjetor		
7. Trajnimet	1. Pjesëmarrja në trajnime të ndryshme 2. Numri i trajnimeve 3. Numri i anëtarëve të trajnuar	Raportet, fotografimet	KKPAK-organizatat e ndryshme trajnuese	Janar-Dhjetor	Kjo pjesë e aktiviteteve varet nga tregu dhe çmimi i trajnimeve që ofrohen dhe mundësitë financiare të anëtarëve të KKPAK për të ndjekur këto trajnime	

Kryesuesi i KKPAK-së, Kaçanik
Artan Meziraj

